


Pilihan raya kecil lawan pakat keluar ramai-ramai

PILIHAN Raya Kecil (PRK) Dewan Undangan Negeri (DUN) Tenang menutup tirainya. Dalam keadaan hujan dan banjir, pengundi-pengundi Tenang tetap tenang keluar mengundi. Mungkin hujan lebat dan banjir yang membasahi Tenang bagi ‘membasuh’ segala ‘kekotoran’ sepanjang kempen PRK itu. Pelbagai kaedah digunakan untuk memancing undi sama ada oleh calon-calon yang bertanding atau para penyokong. Banyak fitnah, tohmahan yang dibangkitkan termasuklah isu peribadi calon. Ada yang sanggup *membuka pekung di dada*. Ada isu yang boleh diterima akal dan ada pula sengaja dibangkitkan bagi menjatuhkan imej calon. Isu peribadi menjadi sasaran apabila parti politik ketandus modal untuk berkempen. Isu peribadi itu bukanlah bertujuan mahu ‘membina’ atau ‘menegur’ tetapi lebih kepada menjatuhkan imej atau kredibiliti seseorang. Mereka lupa kepada kehidupan seseorang manusia biasa yang tidak pernah sunyi daripada melakukan kesilapan.

Tetapi kalau tidak bercuti bagaimana hendak ‘turun padang’ membantu isteri? Takkam pula nak ponteng mengajar. Nanti orang kata *guru kencing berdiri murid pula kencing berlari*. Apa pun semuanya sudah berlalu. Diharapkan tidak ada pula pihak yang akan mengatakan tindakan Cikgu Maarof itu tidak salah, dibolehkan atas muslihat tertentu - ‘melindungi’ isteri semasa berkempen. Maklumlah sekarang ini, macam-macam petua dikeluarkan untuk ‘menghalalkan’ sesuatu. Kata orang mengikut peredaran semasa.


Bagaimanapun isu yang menarik perhatian sudah tentulah mengenai pasangan sedondon iaitu calon Pas, Cikgu Mala (Normala Sudirman) dan suaminya, Cikgu Maarof Abd. Mutalib. Isu cuti cikgu di luar musim cuti sekolah menarik perhatian. Memang awal-awal lagi Cikgu Maarof sudah memberitahu bahawa beliau mengambil cuti untuk membantu isterinya berkempen. Cuma ketika itu, kebanyakan orang tidak tahu bahawa cuti yang dimaksudkan ialah



e-mel: hassan.noor@utusan.com.my

Selak

HASSAN MOHD. NOOR



PILIHAN RAYA KECIL SELEPAS PILIHAN RAYA UMUM 2008

Kawasan	Parti	Menang PRK	Majoriti PRU	Majoriti PRK
26/08/2008 P Permatang Pauh	PRK	13,388	15,671	
17/01/2009 P Kuala Terengganu	Pas	628	2,631	
07/04/2009 P Bukit Gantang	Pas	1,566	2,789	
07/04/2009 N Bukit Selambau	PRK	1,694	2,403	
07/04/2009 N Batang Air	BN	806	1,854	
31/05/2009 N Penanti	PRK	2,219	5,558	
14/07/2009 N Manek Urai	Pas	1,352	65	
25/08/2009 N Permatang Pasir	Pas	5,433	4,551	
11/10/2009 N Bagan Pinang	BN	2,333	5,435	
25/04/2010 P Hulu Selangor	PRK	198	1,725	
16/05/2010 P Sibu	DAP	3,235	398	
04/11/2010 P Batu Sapi	BN	3,708	6,359	
04/11/2010 N Galas	Pas	646	1,190	
30/01/2011 N Tenang	BN	2,492	3,707	

NOTA: PRK Permatang Pauh, Bukit Selambau dan Penanti diadakan selepas penyandang (PRK) meletak jawatan. BN tidak menyertai PRK Penanti.

WAKIL RAKYAT KELUAR PARTI

Nama	Kawasan	Parti
Jamaluddin Mohd. Radzi	N Behrang	PKR
Mohd. Osman Jailu	N Changkat Jering	PKR
Hee Yit Fong	N Jelapang	DAP
Mohamad Radzhi Salleh	N Lunas	PKR
Badril Hisham Abdullah	N Pelabuhan Klang	PKR
Zahrain Mohamed Hashim	N Bayan Baru	PKR
Tan Tee Beng	P Nibong Tebal	PKR
Mohsin Fadzil Samsuri	P Bagan Serai	PKR
Zulkifli Noordin	P Kulim Bandar Baharu	PKR
Tan Wei Shu	N Bakar Arang	PKR
Wee Choo Keong	P Wangsa Maju	PKR
K. Keshvinder Singh	N Malim Nawar	DAP
N. Gobalakrishnan	P Padang Serai	PKR

NOTA: Zulkifli Noordin dipecat. Jumlah ini tidak termasuk dua Ahli Parlimen Parti Maju Sabah (SAPP) keluar BN.

UMNO dibatalkan.

Mungkin kita boleh selak kembali beberapa PRK di Johor. Ujian pertama selepas UMNO dibatalkan, Mahkamah Tinggi Johor Bahru mengisyiharkan pilihan raya kawasan DUN Tanjung Puteri tidak sah. Maka PRK diadakan pada 5 Mac 1988 ketika UMNO ‘tidak ada’ ahli, cawangan atau bahagian. Bagaimanapun hasil kerjasama semua termasuk Menteri Besar Johor ketika itu, Muhyiddin Yassin dan Pengerusi Bilik Gerakan BN, Shahrir Samad (mengetuai UMNO Johor Bahru), BN menang dengan majoriti amat tipis iaitu 31 undi. Calon BN, Yunus Sulaiman mendapat 10,181 undi manakala Abdul Razak Ahmad (PSRM) memperoleh 10,150 undi. Enam bu-

lan berikutnya, Shahrir pula mengosangkan kerusi Parlimen Johor Bahru yang dimenangi atas tiket BN pada PRU 1986. PRK diadakan pada 25 Ogos 1988. Beliau bertanding atas tiket Bebas menggunakan simbol kunci. Dalam kempen yang hebat dan sengit iaitu ketika ahli-ahli UMNO masih meratapi musibah yang menimpah UMNO, akhirnya Shahrir menang. Beliau memperoleh 23,581 undi mengalahkan calon BN, Mas’ud Abdul Rahman (10,968 undi) dan Abdul Razak Ahmad (PSRM) memperoleh 2,260 undi.

Satu lagi PRK berlangsung pada 20 Oktober 1988 iaitu di Parit Raja berikutan kematian penyandang. Tujuh calon bertanding iaitu BN dan Bebas. BN melalui calonnya Mohd Yasin

Kamari menang dengan majoriti 413 undi apabila memperoleh 7,262 undi sementara calon Bebas, Hamdan Yahaya (6,849 undi) dan calon-calon lain (67, 42, 30, 13 dan 9 undi).

Tahun 1989, sekali lagi berlaku PRK-terakhir sebelum Tenang - iaitu di DUN Tambatan pada 5 Ogos 1989. PRK diadakan bagi mengisi kekosongan akibat kematian. Pada PRK itu, calon BN, Abdul Kadir Annuar menang dengan majoriti 1,075 undi mengalahkan calon Semangat 46, Lt. Jen. (B) Jaafar Onn serta dua calon Bebas lain. Begitulah beberapa siri PRK di Johor sebelum Tenang.

Selepas Tenang, siri PRK akan singgah pula di Merlimau, Melaka pada 6 Mac ini. Sekali lagi tumpuan kepada BN dan Pas. Mungkinkah PRK Mer-

limau yang terakhir. Adakah selepas Merlimau, pintu PRK akan diselak rapat-rapat sehingga galat pilihan raya umum mengambil tempatnya? Bagaimana pula dengan Pelabuhan Klang yang diisyihar kosong oleh Speaker DUN Selangor tetapi belum dibincangkan oleh SPR?

PRK kali ini selepas PRU merupakan satu rekod, terbanyak setakat ini. Bagaimanapun kerajaan masih bernasib baik. Sebabnya selain kematian dan peletakan jawatan yang menyebabkan PRK, dunia politik negara juga tidak habis-habis dengan siri keluar parti. Mujurlah mereka sekadar keluar parti dan menjadi wakil rakyat Bebas, bukannya meletak jawatan. Setakat ini 13 orang wakil rakyat meninggalkan parti politik iaitu hampir menyamai jumlah PRK.

Apakah akan ada lagi yang akan meninggalkan parti? Mungkin kita harus berterima kasih kepada 13 wakil rakyat ini yang tidak meletak jawatan. Jika tidak, lebih banyak wang terpaksa dibelanjakan untuk PRK. Pada masa yang sama, terlalu banyak PRK akan mewujudkan suasana yang tidak tenang dalam masyarakat. Ini disebabkan corak kempen yang semakin agresif sehingga boleh menjadikan hubungan sesama masyarakat. Kekerapan PRK menyebabkan ramai yang asyik berpolitik.

Kepada Azahar Ibrahim, tahniah! Begitu juga kepada Menteri Besar, Abdul Ghani Othman yang memimpin jentera BN pada PRK Tenang. Semoga Tenang akan kembali tenang selepas ini.